

卷五百十六

新疆統部

卷五百十七

伊犁

嘉慶重修一統志

百九十


西域新疆全圖

喀爾喀界

甘肅界

甘肅界

界斯羅俄



西藏界





# 新疆統部表

| 秦    | 兩漢                                                       | 三國 | 晉 | 南北朝                                      | 隋 | 唐                                                | 五代 | 宋                                     | 元                                            | 明   |
|------|----------------------------------------------------------|----|---|------------------------------------------|---|--------------------------------------------------|----|---------------------------------------|----------------------------------------------|-----|
| 準噶爾部 |                                                          |    |   |                                          |   |                                                  |    |                                       |                                              |     |
| 回部   |                                                          |    |   |                                          |   |                                                  |    |                                       |                                              |     |
|      | 東境匈奴烏孫國及<br>右部地西鮮卑西部<br>境烏孫國地                            |    |   | 北魏蠕蠕突厥鐵勒<br>烏孫悅般西突厥地<br>高車諸國<br>地後周突厥鐵勒地 |   | 沙陀回鶻<br>西突厥諸部地                                   |    | 回鶻諸部地                                 | 阿爾穆爾<br>諸地世祖<br>時屬巴什<br>伯里宣慰<br>司後屬都<br>哩特穆爾 | 衛拉特 |
|      | 城郭三十于闐龜茲<br>六國都護諸國地<br>所治後漢<br>為城郭五<br>十餘國都<br>護長史所<br>治 |    |   | 郭善子闐于闐龜茲<br>龜茲疏勒諸國地                      |   | 安西都護吐蕃<br>府龜茲于鶻南徙據<br>其地<br>開疏勒馬<br>省四鎮地<br>後沒吐蕃 |    | 世祖置哈巴什伯里<br>喇和卓宣<br>慰司後屬<br>都哩特穆<br>爾 |                                              |     |

[illegible]

大清一統志

新疆統部

東至喀爾喀瀚海及甘肅界。西至石哈薩克及蔥嶺界。南至拉藏界。北至俄羅斯界。及

左右哈薩克界。東南至甘肅省界。西南至恩嶺。達克山痕都斯坦諸屬界。東北至俄羅斯界。西至左右哈薩克界。廣輪二萬餘里。北為舊準噶爾部。南為回部。統轄天山南北事務。將軍駐劄伊犁。至

京師一萬八百里。

建置沿革

古為雍州外地。前漢武帝時始通西域。自

天山以南為城郭三十六國地。東接玉門陽關。西

至蔥嶺。南北有大山。河流其中。設都護治烏壘城。

統轄諸國。自天山以北。東境為匈奴右部地。西境

為烏孫國地。後漢時。山北仍為烏孫國及匈奴地。

山南分為五十餘國。設都護及長史以統之。三國及晉。北為烏孫。及鮮卑西部地。南仍為于闐龜茲諸國地。北魏時。北為蠕蠕烏孫悅般高車諸國地。後周為突厥鐵勒地。其南則鄯善盛大。服屬諸國焉。隋為突厥鐵勒西突厥地。南仍為于闐龜茲諸國地。唐為西突厥沙陀回鶻諸部。置北庭大都護府。以防制北路。其南諸國。置安西大都護府於龜茲。統龜茲于闐疏勒焉耆四鎮。以控禦吐蕃。中葉後。四鎮為吐蕃所有。唐末。回鶻徙居北庭。五代至宋。回鶻又兼取西州諸城。服屬於遼。元初。回鶻首

先歸順。憲宗置三行尚書省。西域居二。蔥嶺以東。

屬巴什伯里行尚書省。世祖時。西北諸王多叛。天

山南北設兩宣慰司。北則巴什伯里。舊作別失八里。今改正。

南則哈喇和卓。後為都哩特穆爾地。舊作篤來帖木兒。今改正。

明山北為衛拉特。舊作瓦剌。今改正。元臣脫懽之後。四衛

拉特世居之。山南為巴什伯里葉爾羌。舊作葉爾欽。今改正。

土魯番諸國。

本朝龍興。元代後裔之分處東北者。並久隸版章。世

為臣僕。惟準噶爾厄魯特四部。盤踞西北。噶爾丹

吞噬鄰屬。闌入北塞。

聖祖仁皇帝三臨朔漠。翦滅其衆。北土奠平。其姪策妄阿

拉布坦收其遺孽。遁保伊犁。傳子噶爾丹策凌。興

師侵服山南之回部。執其酋長。收其租賦。傳子策

妄多爾濟那木札爾。肆行殘暴。喇嘛達爾札執而

篡之。策妄之再從姪孫達瓦齊。又篡奪其位。凶殘

益甚。衆部落不堪命。乾隆十八年冬。杜爾伯特舊

都爾伯特台吉車凌舊作策凌等。率數萬人來歸。今改正。

十九年秋。輝特台吉阿睦爾撒納和碩特台吉班

珠爾等。又率衆來歸。羣請興師問罪。二十年二月。

高宗純皇帝特命兩將軍率師啓行。衆鄂拓克迎降。五月。

至伊犁。達瓦齊潰走。回人阿奇木霍集斯伯克執以獻。準噶爾平。六月。阿睦爾撒納覬為總台吉。不遂。煽其衆以叛。將軍策楞以兵剿之。阿逆奔哈薩克。準部諸台吉相繼作亂。二十二年。將軍兆惠。副將軍富德。分路進討。哈薩克歸順。阿逆奔俄羅斯。旋伏冥誅。俄羅斯驛致其屍以獻。伊犁復定。初。回酋波羅泥都霍集占久為準噶爾所執。及我兵平伊犁。釋其縛。遣波羅泥都歸葉爾羌城。統其舊屬。令霍集占居伊犁。撫領回衆。未幾背恩從逆。竄歸舊穴。煽動回衆作亂。乾隆二十三年。我兵進討之。

克庫車。沙雅爾。阿克蘇。烏什。諸城。二十四年。收和  
闐。喀什噶爾。葉爾羌。諸城。二酋遁入拔達克山境。  
拔達克山歸順。函首以獻。回部平。設總統伊犁等  
處將軍。參贊大臣。辦事大臣。領隊大臣。章京糧員  
同知。及滿漢營官。以經理之。以準部之烏魯木齊  
建為迪化州。分屬甘肅省。其準回二部之恭誠投  
順者。封爵世襲有差。設分理回務諸扎薩克伯克  
以統理其衆。分境鈐轄。盡如內地焉。初。土爾扈特  
部。與策妄不睦。竄歸俄羅斯。乾隆三十六年。其汗  
渥巴錫台吉舍梭等。向風慕化。率其衆三萬餘戶。

與和碩特部沙畢納爾部越萬有餘里來歸。

高宗純皇帝覃恩賜爵授以廩餼給以牧地居其部衆於

伊犁烏魯木齊喀喇沙爾塔爾巴哈台諸境於是

元裔四衛拉特之衆盡入版圖朝貢賦稅各率厥

職其藩屬之投誠歸順者有左右哈薩克東西布

魯特霍罕安集延瑪爾噶朗那木干塔什罕拔達

克山博洛爾布哈爾愛烏罕痕都斯坦巴勒提諸

部自西域底定並歲時朝貢唯謹焉。諸部並見新

高宗純皇帝聖製平定準噶爾告成太學碑文

曰。遠矣。山戎薰粥。海表毳幕之人。界以龍沙。畜其

驪奚。雖無恆業。厥有分部。蓋自元黃剖判。萬物芸

生。東夷西夷。各依其地。謬舉淳維。未為理據。皇古

莫紀其見之書史者。自周宣太原之伐。秦政互海之築。莫不畏其侵軼。猾夏是虞。自時厥後。一不奮發。之君。慨然思挫其鋒。而納之宥。然事不中機。材不副用。加以地遠無定處。故嘗勞衆費財。十損一得。措紳之儒守和親。介胄之士言征伐。征伐則民力竭。和親則國威喪。於是守有四夷。羈縻不絕。地不可耕。民不可臣。之言興矣。然此以論漢唐宋明之中夏。而非謂我皇清之中夏也。皇清荷天之恩。貢從征狩。執役惟謹。準噶爾厄魯特者。本有元朝之臣僕。叛出據西海。終明世為邊患。至噶爾丹而稍強。吞噬鄰蕃。闌入北塞。我皇祖三臨朔漠。用大破其師。元惡伏冥誅。脅從遠遯。跡毋俾遺種。於我喀爾喀。厥姪策妄阿拉布坦。收其遺孽。僅保伊犁。故嘗索俘取地。無敢不共。逮夫部落滋聚。乃以計襲哈密。入西藏。準夷之勢。於是而復張。噶爾丹兩朝命將問罪。雖屢獲捷。而庚戌之役。逆子里坤。擣營於科卜多。於是而準夷之勢大張。然地既險遠。主客異焉。此勞往而無利。彼亦如之。故額

爾德尼招之敗。彼亦不可以彼貪利而深入也。皇考謂我武既揚。不可以既允其請。和以息我衆。予小子敬奉先志。無越思焉。既而噶爾丹策凌死。子策妄多爾濟那木札爾暴殘。喇嘛達爾札篡奪之。達瓦齊又篡奪喇嘛達爾札。而酗酒虐下。尤甚焉。癸酉冬。都爾伯特台吉阿睦爾撒納。和碩特人來歸。越明年秋。輝特台吉歸。朕謂來者不可以不撫。而撫之莫若因其地其俗。而善循之。且母令滋方來之患。於我喀爾喀也。於是議進兩路之師。問彼罪魁。安我新附。凡運餉籌馭。長行利戰之事。悉備。議之始。熟經於庚戌之艱者。咸懼蹈轍。惟大學士忠勇公傅恒。見與朕同。而新附諸台吉。則求之甚力。朕謂犁庭掃穴。即不敢必。然喀爾喀之地。必不可以久居。若而人。毋寧用其鋒。而觀厥成。即不如志。亦非所悔也。故凡禍旗命將之典。槩未舉行。亦云偏師嘗試為之耳。塞上用兵。必以秋而阿睦爾撒納。禍木特請以春月。欲乘彼馬未肥。則不能遊。朕謂其言良當。遂從之。北路以二月丙辰。西路以二月己巳。各啓行。哈密瀚海向無雨。今春

乃大雨。咸以為時雨之師。入賊境。凡所過之。鄂拓克。攜羊酒。糗糧。迎恐後。五月乙亥。至伊犁。亦如之。達瓦齊。於格登山麓。結營以待。兵近萬。我兩將軍。議以兵取。則傷彼必眾。彼眾皆我眾。多傷。非所以體上慈也。丁亥。遣阿玉錫等二十五人。夜斫營。覘賊向。賊兵大潰。相蹂躪死者不可勝數。來降者七十餘。我二十五人。無一人受傷者。達瓦齊以百餘騎竄。六月庚戌。回人阿奇木霍集斯。伯克執達瓦齊來獻。軍門準噶爾平。是役也。定議不過二人。事不過一年。兵行不過五月。無亡矢遺鏃之費。大勲以集。退壞以定。豈人力哉。天也。然多矣。可與樂成。不可與謀始。亦謂蚩蚩之眾云爾。豈其卿大夫之謂。既克集事。則又曰。苟知其易。將勸為之。夫明於事後者。必將昧於幾先。朕用是寒心。且準噶爾一小部落耳。一二有能為之長。而其樹也。固馬。一暴失德之長。而其亡也。忽焉。朕用是知懼。武成而勒碑文廟。例也。禮臣以為請。故據實事書之。其辭曰。茫茫伊犁。大幹之西。匪今伊昔。化外羈縻。條支之東。大宛以南。隨畜獵獸。蟻聚狼